



**CONVENIO ENTRE A SOCIEDADE "SUPERVISIÓN Y CONTROL, S.A.U" E O
CONCELLO DE VIGO A FIN DE REGULAR O PROCEDEMENTO DE XESTIÓN E
SISTEMA DE FACTURACIÓN DAS INSPECCIÓN TÉCNICAS (ITV) DOS
VEHÍCULOS DA FLOTA MUNICIPAL.**

En Vigo, a 31 de xullo de 2019

REUNIDOS

Dunha parte DON FRANCISCO JAVIER PARDO ESPÍÑEIRA, en nome e representación do Concello de Vigo, asistido da Secretaria do Goberno Local do Concello de Vigo

Doutra parte DON ALBERTO ZALVIDE TORRENTE, con D.N.I. nº 32.670.238-A, en nome e representación de "SUPERVISIÓN Y CONTROL, S.A.U.", concesionaria do servizo de inspección técnica de vehículos en Galicia, con C.I.F. A-15117609 e domicilio social en Estrada Nacional VI, Km. 582, O Espirito Santo, A Coruña; representación outorgada en virtude de escritura pública con número de protocolo 2.331, outorgada ante Notario do Colexio de Madrid D. Fernando de la Cámara García en data catorce de novembro de 2.018.

Recoñécense mutuamente os comparecentes a capacidade e a representación necesaria para a sinatura do presente convenio de colaboración, e a estes efectos

EXPOÑEN

I- Que a sociedade "Supervisión y Control, S.A.U", con C.I.F. A-15117609 presta os servizos de inspección técnica de vehículos (ITV) no ámbito territorial de Galicia, en virtude de concesión administrativa de data 25 de maio de 1.987 e 7 agosto de 1.991 da Comunidade Autónoma de Galicia por tratarse dunha competencia autonómica.



II.- O Concello de Vigo está interesado no aprazamento de pago dos servizos de inspección de vehículos da súa flota municipal, así como na regulación da xestión de citas dos referidos vehículos.

II.- O Concello de Vigo, actúa pola súa banda en exercicio das competencias establecidas no artigo 25.2. da Lei 7/85, de 2 de abril de Bases de Réxime Local, e artigo 80.2. da Lei 5/1.997, de 22 de xullo reguladora da Administración Local de Galicia.

III.- De conformidade co establecido no artigo 48 Lei 40/15, de 1 outubro que establece que as Administracións Públicas, os seus organismos públicos e entidades de Dereito Público vinculados ou dependentes poderán no ámbito das súas respectivas competencias subscribir convenios con suxeitos de Dereito Público e privado sen supor a cesión da competencia.

En base ao exposto a sociedade "Supervisión y Control, S.A.U" e o Concello de Vigo acordan asinar o presente convenio de colaboración consonte as seguintes

ESTIPULACIÓNS

PRIMEIRA. - O obxecto do presente convenio o constitúe a regulación do procedemento de xestión e facturación das inspeccións técnicas (ITV) dos vehículos da flota municipal de Concello de Vigo.

SEGUNDA.- "Supervisión y Control, S.A.U." prestará o servizo de inspección técnica de vehículos aos vehículos da flota municipal do Concello de Vigo na estación ITV de servizo de Vigo sita en Avda. Peinador ou en calquera das estacións de ITV da provincia de Pontevedra.

TERCEIRA.- O Parque Móbil do Concello de Vigo solicitará cita previa con pre-reserva para cada un dos vehículos municipais a través da web <https://www.sycitv.com/es/> ou no seu caso do teléfono 902309000. Os vehículos municipais acudirán en horario de mañá dada a disponibilidad horaria do persoal do Parque Móbil.



CUARTA.- Os condutores dos vehículos que acudan á inspección técnica do vehículo estarán obrigados a presentar a documentación do vehículo, que acredite a titularidade do vehículo, así como formulario no que conste autorización, identificación e acreditación do condutor para a realización da xestión.

QUINTA.- Comprobada a titularidade e a documentación achegada "Supervisión y Control, S.A.U" e unha vez realizados os trámites administrativos a entidade procederá á inspección técnica do vehículo, procedéndose á devolución da documentación ao condutor.

SEXTA.- As tarifas por tratarse de tarifas fixas corresponderanse coas fixadas pola Xunta de Galicia na anualidade en curso e comprenderá a taxa de tráfico o IVE e o canon polo vehículo inspeccionado así como outros conceptos sexan de aplicación.

SÉPTIMA.- Facturaránse os servizos prestados ao Concello de Vigo a través da Plataforma FACE con carácter mensual, enviando os as facturas correspondentes ao mes anterior antes do día 5 de cada mes.

A factura electrónica a emitir deberá axustarse ao establecido na Lei 25/2013 de 27 de decembro, de impulso da factura electrónica e creación do rexistro contable de facturas no Sector Público.

Os códigos solicitados pola plataforma FACe - Punto Xeral de Entrada de Facturas Electrónicas da Administración Xeral do Estado - ao que encóntrase adherido o Concello de Vigo, son os seguintes:

- UNIDADE TRAMITADORA: GE0000674PARQUE MÓBIL
- OFICINA CONTABLE: GE0000575/ INTERVENCIÓN
- ÓRGANO XESTOR: L01360577 CONCELLO DE VIGO

A sociedade "Supervisión y Control, S.A.U" deberá facilitar un enderezo electrónico no que se fagan constar as incidencias que puideran xurdir na tramitación e control das facturas.



OITAVA.- O Concello de Vigo unha vez se proceda ao control das facturas remitidas procederá ao pagamento das mesmas a través de transferencia bancaria antes do día 30 do mes posterior ao número de conta

NOVENA.- A vixencia do presente convenio será de catro anos, finalizando a súa vixencia en data 31 de xullo de 2.023, en calquera momento antes da finalización do referido prazo, os firmantes poderán acordar a súa prórroga por un período de catro anos adicionais ou a súa extinción.

DÉCIMA. A modificación do presente convenio requirirá acordo unánime dos firmantes. No referente á extinción o Convenio extinguirase de conformidade co establecido no artigo 51 da Lei 40/2015 de Réxime xurídico do Sector Público, polo cumprimento das actuacións previstas ou por incurrir en causa de resolución: transcurso do prazo de vixencia do convenio sen acordar a prórroga, acordo unánime de todos os subscribentes, incumprimento das obrigas e compromisos asumidos por parte de algunha das partes, resolución xudicial de nulidade ou calquera outra causa legalmente prevista.

UNDÉCIMA.-O presente convenio rexerese polas normas contidas neste documento. As partes comprométese a resolver amigablemente as diferenzas que puideran xurdir. Non obstante, recoñécese a xurisdición civil como competente, acordando as partes someterse ao xulgados de Tribunais de Vigo.

Conformes as partes, asinan o presente convenio por duplicado, no lugar e data da sinatura dixital

Concello de Vigo

Asdo.: D. Francisco Javier Pardo
Espiñeira.

"SUPERVISIÓN Y CONTROL, S.A.U."

Asdo: D. Alberto Zalvide Torrente